

Gwisgoedd newydd sbon i ysgolion cynradd Dinbych-y-pysgod



Dadorchuddiwyd y gwisgoedd ar gyfer dwy ysgol gynradd newydd Dinbych-y-pysgod sydd i agor ym mis Medi eleni.

Bydd y rhan fwyaf o ddisgyblion yn ysgolion Babanod ac Iau presennol Dinbych-y-pysgod yn trosglwyddo i un o'r ysgolion newydd ar ddechrau tymor yr hydref.

Cymraeg fydd cyfrwng un ohonynt (Ysgol Hafan y Môr), a chyfrwng y llall fydd Saesneg (Ysgol Gynradd WG Dinbych-y-pysgod yr Eglwys yng Nghymru). Bydd y ddwy ysgol yn addysgu plant rhwng tair ac un ar ddeg oed.

Mae gwisgoedd y ddwy ysgol newydd ar gael i'w prynu o Tees R Us yn Llan-Fair a Babi Beau yn Ninbych-y-pysgod.



Bydd plant yn Ysgol Hafan y Môr yn gwisgo siwmpersi glas y llynges a chrysau polo gwyrdd, tra bydd disgyblion Ysgol Gynradd Dinbych-y-pysgod yn gwisgo siwmpersi glas brenhinol gyda chrysau polo gwyn.

Bydd Ysgol Gynradd Dinbych-y-pysgod yn darparu ar gyfer hyd at 390 o ddisgyblion a bydd mewn adeilad newydd, sydd ar hyn o bryd yn cael ei adeiladu ar safle ar bwys ysgol iau bresennol Dinbych-y-pysgod. Y pennaeth fydd Mr John Palmer.

Mae Ysgol Hafan y Môr yn cael ei sefydlu mewn ymateb i'r galw cynyddol am addysg Gymraeg yn Ne Sir Benfro. Bydd yn darparu ar gyfer hyd at 210 o ddisgyblion a bydd yn cael ei lleoli yn adeilad yr ysgol iau bresennol, fydd yn cael ei adnewyddu'n helaeth yn ystod gwyliau'r haf. Y pennaeth fydd Mrs Victoria Hart-Griffiths.

Mae cost y prosiect £8.37 miliwn yn cael ei rannu rhwng Cyngor Sir Penfro a rhaglen Ysgolion yr 21^{ain} Ganrif Llywodraeth Cymru.

Geiriadau

Llun 1

Yn y llun mae disgyblion a fydd yn mynychu Ysgol Gynradd Dinbych-y-pysgod ym mis Medi, yn gwisgo'r lifrai newydd. Gyda'r disgyblion mae (o'r chwith i'r dde) Miss Tracy Jones, Mrs Lynda Dedoncker, Mr John Palmer y pennaeth a Mrs Sue Griffiths.

Llun 2

Yn y llun mae disgyblion a fydd yn mynychu Ysgol Hafan y Môr ar ddechrau tymor yr hydref yn y wisg newydd. Maent i'w gweld gyda (o'r chwith i'r dde), Ms Julie Jones, cadeirydd y bwrdd llywodraethu dros dro, Mrs Victoria Hart-Griffiths, y pennaeth.

